

鳳臺縣志

第四册

402160.67

34.1

部二七



鳳臺縣志

第四册

凤台县志卷之五

宦迹

〔后汉〕鲍昱字文泉上党屯留人司隶校尉永子有智略建武初青犊贼据太行太守戴涉请署守高都长昱应之遂讨击群贼诛其渠帅道路开通祖宣父永及昱俱官司隶校尉号鲍氏三驄

〔晋〕李叡字幼黄陇西人徙京兆少有令闻以门荫擢高都长清俭化民在官常布衣蔬食观者不知为贵介子也后擢上党太守唐高平守研文殊皆其裔也

鳳臺縣志

卷之五

宦迹

一

〔元魏〕裴仲规河东闻喜人延僂从祖弟也少好经史有志节咸阳王禧为司州牧辟仲规为主簿仍表行建兴郡事车驾自代还洛次於郡境仲规备共帐朝於路侧高祖诏仲规曰朕开置神畿郡望崇重卿既首应司隶美举复督我名邦何能自致也仲规对曰陛下穷神尽圣应天顺民弃彼元壤来宅紫县臣方罄心力跃马吴会冀功铭帝籍勋书王府岂一邑而已高祖笑曰冀卿必副此言车驾达河梁见咸阳王谓曰昨得汝主簿为南道主人六军丰贍元弟之寄殊副所望后征义阳战没



贈河東太守謚貞

裴衍字文舒河東聞喜人學識優於諸兄才行亦過之事
親孝兼有將略仕齊主蕭寶卷魏宣武景明二年歸國
請隱嵩高詔許之世宗末出山肅宗除散騎侍郎尋遷
建興太守轉河內太守衍立二郡廉貞寡欲善撫百姓
以母憂解任吏民追思之

司馬悅字慶宗楚之子自司空司馬出為建興太守明決
能察疑獄遷豫州刺史雪部民張堤之冤捕真盜置於
法其英斷多類此後封漁陽縣開國子

司馬子如字遵業河內溫人徙云中少機警有口辨好交
游豪杰與神武相結托分誼甚深孝昌中為余朱榮所
禮遇以為司馬假平南將軍二次高都榮以建興險阻
往來冲要有後顧之憂以子如行建興太守當郡都督
累進封陽平郡公高祖起義信都遣使啟賀叙旧尋追
赴京以為大行台仆射恃恩任情後自行厲改甚有聲
譽發奸摘偽寮吏畏之齊受禪封須昌縣公

辛祥字万福隴西狄道人祖紹先并州刺史父凤达祥少
舉秀才司空行參軍太傅元丕為并州刺史祥為丕府

属辟行建兴郡迁平北府司马会刺史丧朝廷以其公清越长史勅行州事初任司马有白璧迎兵药道显被诬为贼官推处咸以为然祥曰盗面有悲色折狱以色其此之谓乎苦执申之月馀别获真盗后除郢州长史义阳太守

陆士廉字季修代人建安王侯之后幼有志操刚正不少阿永安末官建州平北府长史余朱世隆率众来攻与太守陆希质悉力拒守城陷世隆屠其民士廉死之希质获免

鳳臺縣志

卷之五

宦迹

三

慕容升字僧宝契之子官建兴太守抚绥有方百姓安之历迁征虜将军甚得边民情

杨擿字显进正平高凉人周主宇文泰以擿有谋略堪委边任乃表行建州事时建州远在敌境三百馀里擿威恩夙著所经之处多並赢粮从之比至建州众已一万东魏刺史车折于洛出兵逆战擿击败之即授建州刺史却退魏将侯景师复授建州刺史镇车箱及齐主高欢围玉壁别令侯景趣齐子岭擿恐入寇邵郡率骑御之景闻擿至斫木断路者六十馀里犹惊而不安遂退

还河阳其见惮如此后进授晋建二州大都督周主邕
保定四年迁少师其年大军围洛阳擿率义兵万馀人
出軹关然擿自镇东境二十馀年数与齐人战每常克
以此遂有轻敌之心时洛阳未下而擿深入敌境又不
设备齐人奄至大破擿军擿以众败遂降於齐擿之立
勋也有慷慨壮烈之志及军败遂就虜以求苟免时论
以此鄙之周主犹录其功不以为罪 按府志杨擿后
有高平郡太守李远考西魏高平系属陇西无关建州
故删之

鳳臺縣志

卷之五

宦迹

四

〔北齐〕韩贤字普贤广宁石门人壮健有武用随尔朱世隆
除镇远将军屯骑校尉攻建州石门皆有功普泰初徙
广州刺史神武起义贤与有旧潜通诚款太昌初以光
禄大夫出为建州刺史再转荆洛死於盗贤虽武将不
甚贪暴所历虽无善政不为吏民所苦卒赠侍中尚书
司空

李密字元化赵州平棘人祖父世为达官少有节操以荫
补郡守时尔朱擅权弃官归神武起义以兵从授建州
刺史有惠政

赵起字兴洛广平人父达幽州录事参军起沉毅有干用
齐神武建义旗起典籤定州段荣军事世祖嗣事出为
建州刺史累迁侍中显祖践祚罢州还阙虽历位九卿
居腹心之寄常乃心民瘼痼瘵在身天保初转太常卿
加六州都督武平中卒於官

盖丰洛并人文宣为太原公时给事左右与知家务号曰
盖将后为主书专令访察并省尚书都合史迁建州别
驾甚有时誉

〔北周〕裴孝仁河东闻喜人幼聪敏涉经史起家舍人为长

鳳臺縣志

卷之五

宦迹

五

宁镇将捍御齐人有威边之名建德末迁建州刺史

元景山字瑶岳河南洛阳人祖燮魏安定王父琰宋安王
景山少有器局干略过人周闵帝时从大司马贺兰祥
击吐谷浑以功拜抚军将军其后数从征伐累功迁仪
同三司加开府建州刺史宋安郡公入隋拜上柱国

〔隋〕李士万字俊超姑藏人祖彦魏秦州刺史父燮齐司徒
士万以荫起家初为兵曹参军擢高都太守治理烦剧
甚有能名按隋初仍高平郡开皇三年置泽州唐书与
隋书不同存以俟考

田式字显标冯翊下邳人性刚果多武艺年十八授都督
领乡兵拜渭南太守政严猛吏人重足而立无敢犯法
者亲故屏迹请托不行武帝闻而喜之从帝平齐累功
加上开府迁建州刺史入隋仕终广州总管按式在北
周守建州自应列於周考其生平政尚猛厉亦强干之
吏也隋书入酷吏传或以其处家多惨刻欤

李雄字毗卢赵郡高邑人祖猛魏大中大夫父徽伯齐陕
州刺史陷於周随军入长安雄少慷慨有大志家世并
以学业自通雄独善骑射周太祖时释褐辅国将军亳

州刺史入隋为司会中大夫以淮南之功加位上开府
拜鸿胪卿进爵高都郡公食邑二千户雄当官正直侃
然有不可犯之色吏民称焉子公挺袭爵 按隋初仍
周制有高平无高都姑仍府志

伊娄谦字彦恭鲜卑人少有志节文帝为周相时授亳州
总管俄徵还京既平王谦谦耻与逆人同名因尔称字
及文帝受禅拜彦恭为大将军进爵为公寻出为泽州
刺史清约自处甚得人和以疾去职吏民攀恋行数百
里不绝后数岁卒于家子杰嗣

房恭懿字慎言河南洛阳人性沉深有局量达於从政开皇初以蔭威荐授新丰令政为三府之最时雍州诸县令每朔朝谒文帝见恭懿必呼至榻前访以理人之术蔭威重荐之超授泽州司马有异绩寻迁德州司马帝每嘉叹尝谓诸朝使曰房恭懿志存体国爱养我百姓恭懿所在之处百姓视之如父母当令天下模范之卿等宜师效也

〔唐〕长孙顺德无忌族叔太宗起兵以功进左骁卫大将军封薛国公李孝常谋反坐与交削籍帝阅功臣图见其

鳳臺縣志

卷之五

宦迹

七

像怜之遣视顺德方頹然醉遂召为泽州刺史复爵邑顺德素少检至是折节为政以严明称先时守长多通餉问顺德绳擿无所容遂为良吏前刺史张长贵赵士达占部中腴田数十顷夺之以给单贫民寻坐累还第丧息女感疾大病卒赠荊州都督溢曰襄

韩王元嘉高祖子好学友爱修身洁已高宗末转泽州刺史尝为妃房氏祈福修弥勒佛像磨崖为碑命子黄国公撰篆书

皇甫曙字履道元和十一年登第宝历间崔从镇淮南辟

为行军司马荐授泽州刺史与白居易友善在州多题咏数以诗驿寄居易往反相唱和一时称之

卢僎吏部侍郎从愿之从父也初为闻喜尉累迁至泽州刺史苏颋餞以诗称其辞赋勗为循吏后入为学士吏部郎亦有赠苏八给事出守徐州诗

吕牧东平人永泰二年擢进士第自评事迁尚书郎出为泽州刺史作太行苦热行独孤及尚和其韵在官以儒雅为政百姓安之

窦牟扶风平陵人与弟庠先后为泽州刺史以儒雅蒞政

工诗兄弟五人号连珠集 按新旧唐书及宰相世系表俱有牟庠名未言泽州刺史以其见於全唐诗小传故载之

王思礼营州城傍高丽人少习戎旅从郭子仪收复两京以功擢泽潞节度使乾元初安庆绪寇泽思礼追战至相州败之九节度兵溃溢水惟光弼思礼两军独全与史思明战直千岭大败其军上元二年以疾终谥武烈思礼长於文计立法严整士卒不敢犯时议称之

杨德干高宗末历泽齐汴管四州刺史治尚威郡人为之

语曰宁食三斗蒜不逢杨德干

李撝雍州长史新兴王晋司功也晋遇害寮吏皆奔散惟撝步从仍哭其尸姚崇闻之曰栾向之俦也擢尚书郎转泽州刺史

宋王宪明皇之兄历泽泾等州刺史恭谨畏慎未尝干预时政及与人交结

岑翔泽州刺史先天元年太上皇命有司颁赐诸州朝集使之善政者翔与同州刺史成太陕州刺史陆馀庆及魏州刺史单远思宋州刺史刘智柔等各受赐物一百

段

李研字探幽先陇西人徙京兆天宝初任高平太守时初併长平高都为郡诸多草创研与民相休息安静不扰民便之后十馀年孙文殊复来守郡有惠政郡人称为大小李君

温璠字守璵河内温人宰相彦博季子高宗末以父彦博荫仕泽州刺史泽地磽确多旱灾璠访诸父老得古龙潭齐宿祈祷甘雨立沛民皆德之建祠潭上立碑纪其事事后仕至驾部郎中二兄瓚璩以进士释褐故璠得以

荫仕云

李抱玉本安兴贵曾孙世居河西李光弼引为裨校讨安
禄山有功上言耻与逆臣共宗诏赐姓擢陈郑颖亳节
度代宗立兼泽潞统相卫仪邢十一州兵伪燕史朝义
寇泽州抱玉败之以功受司空武威郡王愨辞王爵徙
凉国公平吐蕃群盗权凤翔节度抱玉兼三节度副元
帅位望隆赫每让位许之在镇禁暴安人为将臣之良
卒年七十四赠太保諡昭武

李抱真抱玉从弟沉虑而断抱玉属以军事授汾州别驾

鳳臺縣志

卷之五

宦迹

十

以荐起郭子仪策迁陈郑泽潞留后更授泽州刺史兼
泽潞节度副使徙怀乃为怀泽潞观察留后凡八年抱
真策山东有变泽潞兵所走集乘战伐后赋重人困军
伍彫剗乃籍户三丁之一蠲其徭租给弓矢令闲月得
曹偶习射岁终大校亲按籍第能否赏责比三年皆为
精兵举所部得成卒二万既不廩於官而府库实乃曰
军可用矣缮甲淬兵遂雄山东天下称昭义步兵为诸
军冠久之为泽潞节度行军司马兴元中进义阳郡王
抱真喜士闻世贤者必欲与之游虽小善皆卑礼厚币

数千里邀致之晚好神仙术饵丹二万丸卒诏赠太傅李德裕言先后镇泽潞者李抱玉抱真皆儒术大臣故卒赖其忠以定国

曲环陕州安邑人客陇右少喜兵法资勇敢善骑射安禄山反从鲁炆守邓州与贼武令珣力战破之加左清道率从李抱玉屯河阳又自将兵守泽州破贼锐将安晓拜羽林将军与诸将讨史朝义平河北累转金吾大将军

杜兼字处宏泽潞判官幼时遭安禄山乱逃入终南山

兼伯父存介为贼执临刑兼号呼愿为奴以赎遂皆免然性浮险为濠州刺史时妄杀无罪僚属众皆冤之兼有从弟曰羔贞元初进士其父死河北母更兵乱不知所之羔忧号终日及兼为泽潞判官鞠狱有媪辨对不凡乃羔母羔因得奉养而不知父墓区处昼夜哀恸他日舍佛祠观柱间有文字乃其父临死记墓所在羔奔往亦有耆老识其塋因是乃得葬

〔后梁〕徐怀玉亳州焦夷人少事梁与梁主朱温俱起微贱怀玉素以雄豪自任而勇於战阵为梁名将本名琮温

賜其名曰怀玉初为齐州防禦使迁右羽林统军屯於
泽州晋人攻之为隧以进怀玉击之隧中晋人乃却俄
拜保大军节度使

〔后唐〕裴约以裨将守泽州死事有转载艺文

〔后晋〕康延昭仕晋主石敬瑭为尚食改散指挥都虞侯出
为泽州刺史

〔季汉〕李万超并州太原人幼孤贫负贩以养母晋主石敬
瑭起并门万超应募战累捷从讨杨光远飞石中脑气
不属者久之开运中拒契丹於阳城流矢贯手超拔矢

复战以功授肃锐指挥使契丹入中原万超屯潞州率
本部入府署杀契丹伪署使复潞州路经泽州刺史翟
令奇坚壁拒命万超驰至城下谕之曰今契丹北遁天
下无主并州刘公仗大义定中土所向风靡盍早图之
令奇乃开门迎纳史宏肇即留万超权泽州事汉主刘
昺遂以为刺史连移蕲登二州所至有善政

〔后周〕史延韬为泽州刺史有惠政去之日军民遮围不放
行并截下马镫经三日延韬乃夜开城门赴阙

〔宋〕裴德裕闻喜人雍熙间出 泽州清廉不扰官至少府

監

宋选字青万平棘人参政绶之从弟知泽州军事博雅好古境内碧落山有唐磨崖篆书石刻郡儒刘羲叟恨未通识携楮本之京因宋景文始能尽通郎简所读贻选选命从子敏求以隶书作释刻於郡之公廨

宋昌言字仲谟平棘人绶之从子以荫为泽州司理参军州有杀人狱昌言疑其冤坚请缉捕果得真犯置之法冤获雪官至少府監

杨谟字次典洛阳人熙宁间以进士释褐绍圣初提点泽

鳳臺縣志

卷之五

宦迹

十三

州刑狱明於听断多所平反受代时与寮属登高宴游题咏多可传颂仕终河北安抚使

陈尧佐字希元阆中人省华子尧叟弟也端拱中进士及第真宗景德时徙河东路转运使以地寒民贫仰石炭以生奏除其税又减泽州大矿冶铁课数十万皆言利者所不为也尝劄奏修治太行险道建碑於天井关累官至集贤殿大学士

王昭远冀州阜城人父继升观察因昭远形质魁梧色黑名之曰铁山少有膂力善骑射事太宗於藩邸特蒙亲

遇常呼其小字及即位补殿前指挥使以军功授泽州团练使累官至保静军节度使充天雄军节度使知府事卒赠太尉諡惠和

李昭邁字逢吉饶阳人宗潏从子性和易不忤物能守家法幼时杨亿尝过其家出拜命赋既成亿曰桂林之下无杂木非虚言也后荐之召试授馆阁累迁陕西转运使度支判官使契丹还除坐家僮盗辽人银杯降知泽州初阳城冶铸铁钱民冒山险输矿炭苦其役为奏罢铸钱百姓德之又言河东铁钱真伪淆杂不可不革寻

复直史馆知陕州终天章阁待制

吕公孺字穉卿寿州人夷简季子任为奉礼郎赐进士出身判吏部南曹占对洋敏仁宗以为可用使知泽州历颖庐常三州迁知开封府为政明恕擢户部尚书以病提举醴泉观卒年七十公孺廉俭与人寡合尝护曹佾丧得厚饷辞不受论者清其节焉

李之才字挺之青社人天圣八年进士初权共城令再调孟州司法参军改大理寺丞为缙氏令未行会石延年与直学士吴遵路调兵河东辟之才为泽州签署判官

泽人刘羲叟从受历法世称羲叟法远出古今上有杨雄张衡所未喻者实之才授之在泽转殿中丞丁母忧甫除丧暴卒於怀州官舍庆历五年二月也归葬青社邵雍表其墓有曰求於天下得闻道之君子李公以师焉

吕大忠字进伯大防兄蓝田人登第后为华阴尉嘉祐中任晋城令刚毅质直为治有声尝与契丹议边地独持体以理折之进宝文阁待制知秦州时马涓以进士举首入幕府自称状元大忠谓曰状元云者及第未除官

之称也既为判官则不可今科举之习既无用修身为己之学不可不勉又教以临政治民之要涓自以为得师焉谢良佐教授州学大忠每过之听讲论语必正襟敛容曰圣人言行在焉吾不敢不肃绍圣二年加宝文阁直学士元祐时与章淳曾布不合降待制致仕卒诏复学士官

李用和字审礼杭州人章懿皇太后弟仁宗时授宁州刺史历迁泽州团练旧制刺史以上所赐公使钱得私入而用和悉为军费累兼侍中卒赠太师陇西郡王諡恭

懿

吳中萬全人至和間知軍州事時學校久廢民多不喜儒
術境內貢舉五六十年無一人登第者中為移建學宮
聚徒養士以東里學規教授之习俗一變

程顥字伯淳由中山博野徙河南宋治平四年為晉城令
在縣三年去之日民哭聲振野嘗曰縣之政可達於天
下一邑者天下之式也座右書視民如傷四字云某每
日常有愧於此民有事至縣者必告以孝弟忠信入所
以事其父兄出所以事其長上度鄉村遠近為伍保使

鳳臺縣志

卷之五

宦迹

十六

之力役相助患難相恤而奸偽亦无所容凡孤茆殘廢
者責之亲戚鄉黨使無失所行旅出於其塗者疾病皆
有所養設鄉校四十餘所時親至召父老与之語兒童
所讀書親為正句讀教者不善則為易置擇子弟之秀
者復聚而教之鄉民為社會為之立科條旌別善惡使
有勸有耻乘農隙講武事一時義勇咸為精兵可用庫
有雜納錢數百千嘗借以補助民力爭訟者或不持牒
徑至庭下陳白与之从容告語開釋之縣有稅粟例移
近防載往則道遠就糶則價高民以為苦顥擇富而可

任者预使贮粟於所以待费大省有富民张父死且有老叟踵门曰我汝父也子惊疑莫测相与诣县叟曰身为医远出治疾而妻生子贫不能养以与张顥质其验取怀中一书进其所记曰某年月日抱儿与张三翁家顥问张是时才四十安得有翁称叟骇谢去晋城十年后刘立之来为令见民有聚众而不析异者问其所以曰守程公之化也熙宁初用吕公著荐为监察御史里行哲宗初召为宗正丞文彦博题其墓曰明道先生嘉定十三年諡纯公

晏知止字处善临川人平章殊之子元丰中以朝请大夫知泽州知止少从范仲淹孔道辅游富弼杨察其姊之婿也规仿观摩早有令誉在州时遵父清俭遗教政事之暇则与僚属登临山水游人极一时之盛云

夏侯观字大临济州鉅野人父嶠判吏部选事卒赠兵部尚书伯兄晟驾部员外郎天禧间以进士甲科补泽州观察推官明决有为长於律令之学郡属有疑狱立为剖晰迁试大理评事安国军节度掌书记仕终安抚使陈彭年字永年抚州南城人父省躬鹿邑令彭年幼好学

年十三著皇纲论为江左名辈所赏唐主李煜召入宫
令子仲宣与游金陵平师事徐铉为文太平兴国中举
进士为宋白所黜雍熙二年始中第任江宁司理参军
历澧怀二州推官在怀为知州乔惟岳倚任会樊知古
为河北转运以亲嫌徙泽州累仕至兵部侍郎卒赠右
仆射諡文僖

吴中复字仲庶永兴人进士及第由天章阁待制知泽州
移河东都转运使中复乐易简约好周人之急士大夫
称之宋史有传

刘兼济字宝臣祥符人以父汉凝荫补三班奉职擢泽潞
晋绛都巡检使岁饥太行多盗擒二百餘人历提点河
东邢狱累仕至诸州刺史

王仲宝字器之高密人少为吏补章邱尉以捕盗勅授泽
潞等处巡检使至官方八日获太行山宿贼八十人累
仕至安抚使左屯卫大将军

王凯字胜之曾祖全斌祖审钩永兴都监击贼死遂家京
兆饶於财凯散施结客以驰猎践民田捕至府时寇准
守长安奇其状貌上言全斌取蜀有劳而审钩以忠义

死当录其孤遂以为三班供奉晋麟州都监以功领瓷州刺史拜泽州刺史未几为泽州团练使累仕至侍卫亲军马军副都指挥使卒赠彰武军节度使諡庄恪凯治军有纪律恩威并用故士卒畏信前后与敌遇未尝挫衄尤笃好於故旧子诚孙晋卿工诗画

王元字舜弼沂人同学究出身绍圣间知军州事在任以德化民案无留牍政多馀暇时与僚佐访太行名胜称觞赋诗风流儒雅为一时所推

李景章平顺人徽宗崇宁间知泽州才识卓越善政宜人

鳳臺縣志

卷之五

宦迹

十九

民咸德之

王孝迪字舜民瑯琊人以进士知军州事有惠政入为吏部尚书百姓遮道攀留群言后唐节臣裴公死事兹土未蒙崇祀昭忠祈请於朝孝迪为劄奏允行牒勅建祠褒封忠烈侯按宋史孝迪与张邦昌六人同党为陈东所劾不堪列入政绩但其官此土事有可传姑载之时敦彭门人宣和中为泽州判官政事词翰推重一时民咸有去后之思

陈仲孙字谊成颖川人宣和中以进士管勾神霄万寿宫

来知泽州时前守王孝迪奏允为裴侯建祠因循二载
仲孙初被命梦与神接漫不之省下车后披按公牒见
勅牒恍然悟侯之灵异即为剋修祠宇绘绣侯像而涑
以祀之其文悲壮淋漓士民闻者皆为之感泣

赵子昼字叔问燕王五世孙少警敏强记工书翰累官宪
州通判宣和初充详定九域图志编修官出知泽州累
仕至徽阁直学士奉祠归寓於衢之绍兴

王士言武举进士累立战功宣和初擢河东廉访使靖康
元年诏以浙西兵往河东防秋会金人粘没喝攻泽州

鳳臺縣志

卷之五

宦迹

二十

毕力守御金兵日增士言分必死他将力屈城西南遂
陷士言乃使亲卒持剑归报巷战而死康允之上其事
赠拱卫大夫忠州团练使官其后五人

张存字诚之冀州人第进士官龙图阁直学士知延州以
母老徙泽州累仕至吏部侍郎迁尚书性孝家居矜庄
终日危坐未尝倾侧卒諡恭安

〔金〕王伯龙沈州双城人辽东聚党为盗天辅二年率众来
降授银州累立战功擢莫州安抚使改知泽州太行群
贼往往啸聚伯龙皆平之进节度使改延安尹时有万

泉尹牛德昌者循吏也伯龙嘉之礼待甚厚后迁益都尹封广平郡王

宋雄飞字云翔真定人由辞科进士任刑部检法司出为通判郡事明习法律州有疑难诸狱多所匡正暇日与同僚游赏胜地每得佳句辄书於壁书法遒劲可爱仕至同知汾州事

董师中字绍祖洛州人少敏瞻好学强记皇统九年进士第调泽州军事判官历尚书左丞师中工文性通达疎财尚义平居则乐易真率临事则刚决挺然不可夺卒

鳳臺縣志

卷之五

宦迹

二二

諡文定

左秘字长源蓟州人太师企弓之子皇统初知泽州为政不严而治刑狱猥积决遣无留滞平南山之盜革守城繁役秋粮折米代粟费甚省在任三年清俭自处吏民畏而爱之累任至陕西路转运使封戴国公秘性淡夷好读庄老年六十一致仕卒於家

许安仁字子静献州交河人幼孤刻苦读书善属文登大定七年进士第任翰林修撰知制诰以贾铉荐超授礼部郎中左补阙出为泽州刺史作无隐论上之凡十篇

曰本朝曰情欲曰田猎曰公道曰养源曰冗官曰育材
曰限田曰理财在郡二年徙知河南府陞汾阳节度使
致仕卒諡文简安仁质实无华澹然有古君子风故为
时人所称云

李仲略字简之高平人节度使晏之子聪敏力学登大定
十九年词赋进士以韩州判官迁泽州晋城令寻以太
常博士授左司都事一日奏事退上顾侍臣曰仲略精
明如俊鹞脱帽又曰仲略健吏也未几转员外郎以亲
病求侍特授泽州刺史以便禄养先是晏领沁南节度

使泽於怀为支郡父子相继乡人荣之后仕至山东西
路按察使卒諡襄仲略性豪迈有父风刚介特立不阿
权贵临事明决无留滞故所任以干济称云

杨庭秀字德懋华州人大定中进士泰和初自献州刺史
移刺泽州政平讼理民用康乂雅善文词注程杨易传
以平凉府同知致仕自号虎峰居士贞祐初京兆治中
李植胁之为乱被法

张开赐姓完颜氏景州人至宁末河北兵乱开团结乡兵
固守遥授青城防御事屡立战功兴定元年遥授泽州

刺史迁潞州招抚使进昭义军节度使封上党公以泽潞沁州隶焉元光元年复取高平及泽州乞升泽沁二州为节镇以重守御诏以泽为忠昌军后以兵力不支至於败

〔元〕任立潞州人父尚志元初归太师木华黎授以虎符充元帅与金兵战有功金尝擒其长子如山招之降曰我为大帅岂爱一子射殪之木华黎徵志议事道经武安为金人所害次子存亦战死少子立潞州长官历泽州尹迁陈州卒 按府志载志入宦迹考元史任志传以

鳳臺縣志

卷之五

宦迹

一三三

虎符充元帅收辑山寨不言其官居泽土今存立而删去志名

普颜帖木儿一名不花至正间为泽州达鲁花赤兼诸军奥鲁事劝课农桑作兴学校严信牌辨冤狱暇时教民以孝弟节义民多感悦

叶企颜上蔡人至正间以统军元帅知翼城县事擢知泽州抚育民生惠泽远被尝作居官箴建碑以自勗兴学造士绰有政声

耶律忒末契丹人父丑哥辽都统国亡死节元初忒末率

众内附太师木华黎授洛州路元帅以功迁真定安抚使进兵临泽潞降其民六千馀户进河北西路安抚使兼泽潞元帅府事壬午致仕退居真定为武仙所杀段直字正卿晋城人元初授本州长官迁提举本州举校事未拜而卒子绍隆嗣见人物全传载艺文

申甫字崧生泽州人明悟有干略善骑射金末兵乱团练乡勇以自固元大师木华黎略地至泽甫率众来归承制授本州镇抚提控官时流亡载道甫与长官段直悉招集复业丧乱后人不知学复与直改建学宫购书置

膳田迎李用章於河南教授生徒一时通经者百有馀人事闻迁本州诸军奥鲁长官益都判臣李乙据济南所至寇掠河东骚动诏甫从诸军讨平之以功授子天禄袭父职会併省诸司冗员遂致仕卒於家

王仲祥字利贞繁峙人性宽和与物无忤大定初以律学为州判官守喜刻覈严以御下百姓多畏其猛厉仲祥多方救正以惠泽及於民

刘复亨字咸通棣州人至顺三年任州同知兴学造士德政载於口碑延祐间推察晋宁复按部来泽敬谒天井

关孔子庙至松岭寺题诗於壁士民爱之为勒石以志去思

宋景祁高平人初为平原教授以经术训诸生风化大振陞晋城令治奸辨诬政声四达时称循吏后家居七年朝论高之擢史馆编修迁谕德

张缉字士明胶州人性孝友能诗文与兄弟神经同领乡荐授泽州儒学正教士以德行为先从游者多尚实学转泰州幕职弃归养亲居扬州兵乱贼入卧内刺其母缉以身蔽中枪而死

皇甫琰字邦瑞东平人一作襄垣人至元中以荐举任泽州达鲁花赤以儒雅为治交游多知名士增修天井关文庙勒石记其事政事之暇多吟咏其佳句率清俊雅致

买间字兼善西域人家上虞领至正壬寅乡贡以荐授嘉兴路儒学教授擢泽州达鲁花赤以兴修学校为已任增葺文庙时元末兵乱去官归著诗若干首多可传颂普颜帖木儿字孟坚至正间任达鲁花赤与知州南鹏翼字飞卿协恭任事以清勤立政为河东最公馀之暇董

率僚吏讲经读法改建程明道祠移之爽塏士民均称之

[明]李祥湖广人洪武初以人材知泽州时干戈甫定城郭萧然乃建州治修学校屡兴大役民不称劳招集流离延师训士民渐复业时号廉能

鹿久徵定兴人进士官御史疏救马经纶请与诸臣同罪疏入贬泽州判官疏中列名凡数十人悉夺俸

王坚福州人洪武间以人材知泽州莅事勤慎化民有方兴学校以培士习州人称之

郑可权睢州人洪武间任泽州学正文采风流声称藉藉曾两主山西乡试

甯靖汤阴人成化间举人以苏州推官迁泽州恺悌慈祥清慎可法民有讼者必反复譬喻使之自改不轻笞一人尝需菜和药民有献者必厚偿之其廉介多类此

陆伟字仲奇钱塘人成化乙酉乡荐知泽州值岁大饥请发帑賑恤全活者甚众州多宗室势暴横有和买併吞之害祿给不时州守必得奇辱伟皆力抗不挠坐是诬奏他事诏使来瀦民众号冤得白宁山卫军民杂处久

不靖懾以德威遂宁帖尝谓明道先生非循吏之比特新其庙貌以崇祀典寻致仕归卒年八十九

李智曹州人冢宰秉子宏治间以举人知泽州廉勤公恕抑暴扶良声名藉甚士民思之

马汝骥字仲房绥德人正德十二年进士官庶常武宗南巡上疏极谏跪阙下五日受杖降知泽州时宗室暴横屡裁以法王以书来请投置棧中比事释王遣使来谢乃於棧取还原书实未尝启也王自是弗复私请陵川有贪令巡按御史曲庇之不听竟褫其官嘉靖初复还

鳳臺縣志

卷之五

宦迹

二七

职去任州民攀轅宗室亦祖帳郊门外迁侍读学士卒
赠尚书諡文简

崔哲辽阳人正德间以进士知泽州毀淫祠广储蓄尤爱
奖进后学课试皆有程期

王键永平人正德间知泽州革除宿弊听讼公平明恕决
断如流未尝壅滞人服其敏

王朝雍朝邑人嘉靖间举人以严州推官擢知泽州本宽
厚为政历三载人蒙其惠适巨寇陈卿据青羊山反援
兵征勦陷贼中凡二十七日谕以祸福顺逆之理贼众

屈服竟艱平之百姓安堵陞怀庆同知

顾显仁字体菴武进人隆庆初以进士知泽州为政明敏甫入境即缮完城郭台堡先是北城无楼显仁以为北方元首乃剏建之置常平等仓以广积贮为民均徭役民获苏息书院诸生或无资膏火者买山场田庐园地若干区其租课俾山长得时其出纳而周给之州旧无志剏采辑成书其勇於任事类如此

许维新堂邑人万历间知泽州衣大布之衣食藜藿之食出外不设驺御戴星坐堂争讼者片言判断賑荒疗疫

鳳臺縣志

卷之五

宦迹

二八

流民愿受廛焉暇日引诸生童子说书修程伯子遗事由是群知响学翟学程王允成诸贤其选也去之日士民老幼攀号三日始得出境官终户部侍郎

贺盛瑞获嘉人万历间以进士官工曹为内监中伤出备兵鄜延降知泽州朴诚清正不畏强御在官之日兴学校以鼓士气减税粮以苏民困修城郭以备御防省繁费以贮财用奖节义以厚风俗凡民社大典弗辞劳怨必尽其心以疾归士民思之为立祠以祀

傅淑训孝感进士万历间任泽州博雅好古续修郡乘寻

迁员外郎出知平阳府迁按察司僉事晋省提学使
王所用字宾吾河内人万历末自福宁调泽州泽俗刚悍
治当尚猛所用独馭以宽豪强者初易视之久悉驯服
听讼时恣民所欲陈既而为说利害两造皆输服恻隐
之心可掬以示人民无良猾辄相率和解以去州有大
狱张自安等二十馀人已定拟矣廉其冤力为昭雪得
白十二三庾死配以下减者复无算又葺张公书院建
东西斋集士子肄业其中复以时察其勤惰加奖激后
陞任去士民为生祠以祀之

宋思涇阳人万历间以贡士授泽州学正鹺使者謁庙零
雨露衣将拜於堂上思抗声曰拜下礼也御史竦然复
位课诸生勤敏有法度泮水宫墙岁时次第修举后迁
肃府教授王以师礼事之

王孕长泽州守北直吴桥县人崇正四年来守泽值流寇
徧掠四境乃备战守计日夜御敌时寇自关陝渡黄河
入晋长驱千里连陷多邑杀人盈野风鹤皆惊泽故无
兵即卫署亦仅存空籍秉钺者鞭长莫及监司者空拳
莫奋二三弁流尾贼而不见贼惊贼而不杀贼授兵绝

望独剩孤城大镇累屠烟寒万井守躬率宗绅士庶经营城守规画详明举夫搜奸宄恤戍士慎刁斗严侦探皆确有成算如招集健儿则侦防有人设四乡练营则郊圻生色创新营千兵则追贼大战积劳成病仍支床城上部署惟勤既而贼去兵来中贵总戎接踵而至索饷如虎毒害如狼其视州牧不啻几上肉守妙有窾会俾均为我援守之用不令怒亦不令喜事以济而军以行虽所费不貲皆宗绅士庶捐於常赋之外者四载拮据十七御寇迁河南郡守去尝作爱钱歌揭示通衢不

事修飾而言绝痛切贩夫饼妇皆为感动后以河南宪副死闯难泽人至今肖像祀之

黄图昌字九如山东沂州人崇正间以进士知泽州徵取赋役有以羨投者傍示之悉抵次限正供性重儒术课士论文辄娓娓不倦城之东南隅为建奎星楼庚午秋州获隽五人元亦出於属县论者咸归功焉寻以艰去任士民泣送百馀里相传为明三百年第一贤守去

徐芳字仲光南城进士生有异骨为文特创辟不同於人亦无能同之知泽州性明敏好奖育人材士以经其

品题为幸时父已年老迎养官舍每於治事堂后闻芳
听讼合宜则喜或有不当即譙让弗恕芳跪受教以是
临政益慎事事平允甫一载以艰归士民如失父母甲
申变后弃家远游以缙衣终著悬榻集

〔国朝〕袁仲选辽东人顺治七年以贡士知泽州姜逆大同
之变州城为贼据闻 大兵将临遁去仲选单车涖任
招集流亡间井始晏然比 大兵至以州人从贼议欲
歼薙之仲选冒白刃下哀请再四愿以百口保其无辜
主者晓泽人曰吾以尔使君免尔死尔其服使君教以

无忘朝廷之德泽人欢呼曰不敢忘由是家为尸祝朝
夕跪拜遂醵钱建报恩祠未几迁知潞安府士庶攀号
莫及复立堆金会为五月飨赛资凡五昼夜男女络绎
拜堦下今庙祀百餘年久而弗替云

官于宣字雪眉性廉洁到官携一二苍头入城放衙后惟
与仁贤相对绝去崖角谈诗论文外稍有干预又不可
得也尝云为政当察理验情若参以己意人言便生障
阂故讼庭每得简静之乐两造赴审从弗遣人入乡僚
属亦无敢轻受一词者会军兴行间架税调剂得中民

便之更创设提调以司四门寻以抚提搆怨牵连罢官莫不冤惜后立祠郊南置田供祀

伦可大字子受永平监生康熙中知泽州宽厚为政历十年阳城盐商与臬民搆难互相杀伤臬众围城泽人李俊奎实为首恶遂同参将前往访擒臬徒与官兵格斗二人俱被石伤大中丞闻其变会知总镇进勦可大力为哀请止其兵晓示臬民以次投首及被擒者止六十馀人置之法良民获免株连立祠祀之卒以失职去官陶自悦常州进士康熙间出知泽州能文章修辑州志较

旧时特详岁歉酌量出常平米通济治多淹柩勒葬之俗逢早有恶习将新产妇人指为旱魃用水浇泼致伤身命者申请定罪勒石永禁时州因盐臬生事后议加弁兵自悦力陈不便事遂寝以疾告休从祀名宦

佟国珑镶白旗人康熙五十一年任泽州政尚宽和与民相安凡州治营建以次修举甃城郭濬城隍经理三门月城起城北楼期年而功成与僚佐绅士宴饮凭眺以乐之初任时踰年将以罪误去民数千人攀留上请复其任在任凡八年

刘毓岳河南商邱人泽州知州洩事刚决有妖巫煽惑欲为变计擒之伏辜间并帖然时升州为府即以毓岳知府事建普济堂有续州志四册后为河东观察

许日炽海阳进士由解州刺史移署泽州府事性慷慨能负荷任仅二载许而於治所公事多为经久计不避艰难如建凤台县署葺试院移建关侯庙春秋阁立社会以招徠商贾复续郡志未成去去之日民庶遮道送者壶浆百馀里后官侍御出为泉州府知府

刘缜煜山东诸城人乾隆十四年以举人知凤台县刚介

鳳臺縣志

卷之五

宦迹

三三三

无阿曲常赋之外一尘不染民间诸徭役概予豁免时议修治天井关道路荷锛而往者日以数千计缜煜驰至途次叱令散去曰农事方殷吾不忍令尔辈失业也遂力白於当事以为山水瀑涨徒劳无益会屈其议而上未几以疾引归距今三十馀年父老记其事者皆追而思之

穆丹字荔帷满州正蓝旗人乾隆辛未科进士自隰州牧来署府篆邑有大猾聂全结吏胥为奸樊山开采煤炭独霸其利百里内无敢与竞者势豪横不可制丹访缉

之全潜逃入都具呈农部愿援热河煤厂例岁纳课税
独占山西一省煤洞丹胪列其恶状上 闻全获遣戍
百姓无不称快

孟自强文水人以进士官南康知县改泽州府教授性挥
豁喜客好施而恶恶最严一隶人子应童试力攻之啗
以数百金拒不纳令为宛转请亦终不从时届乡闈积
俸五十金分贷贫士以为资或富而黠者给取之后知
其故曰缓急人所时有安在其欺我也其他坦白无阿
多类此

